



## ՀԱՅԲԻԶՆԵՍԲԱՆԿ

### ԱՇԽԱՏԱՆՔԱՅԻՆ ԷԹԻԿԱՅԻ ԿԱՆՈՆՆԵՐ

#### *Բանկի աշխատողը պարտավոր է պահպանել էթիկայի հետևյալ կանոնները՝*

- 1) բարեխղճորեն կատարել իր աշխատանքային պարտականությունները, եթե անգամ աշխատողի կարծիքը կամ դիրքորոշումը չի համընկնում Բանկի պաշտոնական կարծիքին կամ դիրքորոշմանը.
- 2) լինել կարգապահ, ճշտապահ, զուսպ և օրինակելի, հաճախորդների հետ հարաբերություններում լինել ազնիվ և անկողմնակալ.
- 3) Բանկը ներկայացնելիս կամ իր իրավասությունների սահմաններում Բանկի անունից գործելիս, այլոց հետ շփումներում և գործողություններում լինել արդար և շրջահայաց, ձեռնապահ մնալ այնպիսի գործողություններից և հայտարարություններից, որոնք կասկածի տակ կդնեն Բանկի հեղինակությունը և գործարար համբավը.
- 4) Բանկի հեղինակությունը պահպանելու հարցում լինել սթափ և ուշադիր, չպետք է անտարբեր լինել այլ աշխատողների անգործության և սխալների նկատմամբ, նման իրավիճակների առկայության դեպքում պետք է նախ և առաջ դրանք քննարկել տվյալ աշխատողի հետ, իսկ արդյունքի չհասնելու դեպքում դրա մասին տեղյակ պահել նրա անմիջական ղեկավարին.
- 5) հրաժարվել հաճախորդների հովանավորությունից, թանկարժեք նվերներից կամ հյուրասիրությունից՝ կապված աշխատանքային պարտականությունների հետ.
- 6) իր վարքագծով բացասական ազդեցություն չունենա Բանկի վարկանիշի վրա և նպաստի հանրության վստահության ձեռքբերմանը.
- 7) միշտ զգոն լինել այն իրավիճակներում, որտեղ իր անձնական շահը կարող է հակադրվել Բանկում իր պարտականությունների կատարմանը.
- 8) լինել քաղաքավարի պաշտոնատար անձանց, գործընկերների, հաճախորդների և այլ անձանց հետ շփումներում, որպես աշխատող կողմնակալ վերաբերմունք չդրսևորել ընկերների և բարեկամների նկատմամբ.
- 9) հարգել և, անհրաժեշտության դեպքում, հայցել գործընկերների մասնագիտական կարծիքը.
- 10) գործընկերների հետ հարաբերություններում դրսևորել նրբանկատություն, չբարձրացնել ձայնն աշխատավայրում, չխոչընդոտել այլ անձանց կողմից իրենց աշխատանքային պարտականությունների կատարմանը, խնայել իր և գործընկերոջ ժամանակը.
- 11) գործընկերոջ հետ հարաբերություններում ցուցաբերել հարգանք, հանդուրժողականություն և համագործակցելու պատրաստականություն՝ բացառելով որևէ խտրականություն: Գործընկերոջ վերաբերյալ քննադատությունն արտահայտել միայն նրա ներկայությամբ՝ պարզաբանելով բոլոր հիմքերը (առանց հաճախորդի կամ երրորդ անձի ներկայությամբ).
- 12) այլ մարմինների, կազմակերպությունների, անձանց հետ չքննարկել գործընկերոջ վարքագիծը, գործնական, մասնագիտական, անձնային հատկանիշները.

- 13) աշխատանքային հարաբերություններում պահպանել ենթակարգությունը (սուբորդինացիա).
- 14) աշխատավայրում պահպանել առողջության և ապահովության համապատասխան պահանջները՝ փորձելով վերացնել կամ անմիջական ղեկավարին տեղեկացնել իր առողջությանը կամ ապահովությանը սպառնացող ցանկացած վտանգի մասին.
- 15) չօգտագործել ծառայողական պարտականությունների ընթացքում հայտնի դարձած տեղեկատվությունը՝ իր անձնական շահերի համար.
- 16) հարգել մարդու արժանապատվությունը՝ անկախ նրա ազգությունից, ռասայից, սեռից, լեզվից, դավանանքից, քաղաքական կամ այլ հայացքներից, սոցիալական ծագումից և կարգավիճակից.
- 17) աշխատողը ցանկացած պարագայում պետք է ձեռնպահ մնա շահերի բխում առաջացնող գործողություններից, իսկ դրանց առկայության կամ հնարավորության դեպքում՝ դրանց մասին տեղեկացնի իր անմիջական ղեկավարին.
- 18) պահպանել բարոյական նորմերով սահմանված էթիկայի այլ կանոններ:

### ***Աշխատողին չի թույլատրվում.***

- 1) որևէ վճարի կամ հովանավորության պահանջ ներկայացնել որևէ ֆիզիկական կամ իրավաբանական անձի կամ նրանց կողմից նման առաջարկ ընդունել՝ կապված աշխատողի պաշտոնական դիրքի հետ: Նման պահանջը կամ առաջարկի ընդունումն ազդում է Բանկի հեղինակության և գործունեության արդյունավետության վրա: Նման առաջարկի մասին պետք է անմիջապես տեղեկացնել անմիջական ղեկավարին.
- 2) առանց թույլտվության օգտագործել Բանկի սարքերը, գույքը և տեխնիկական միջոցները (հեռախոս, ինտերնետ, համակարգիչ, գրասենյակային գույք և այլն) Բանկի գործունեությանը չվերաբերող նպատակներով.
- 3) առանց թույլտվության օգտագործել, տեղադրել և/կամ տարածել Բանկի անունը, սպրանքանիշը (լոգոն) համացանցում, այդ թվում նաև սոցիալական ցանցերում.
- 4) օգտագործել Բանկի անունը կամ կապերն անձնական, կամ Բանկի խնդիրներին չվերաբերող այլ նպատակներով.
- 5) Բանկի տարածքում վիրավորանք հասցնել իր գործընկերներին և այլ անձանց.
- 6) Բանկի տարածքում ֆիզիկական ուժի գործադրումը կամ վերջինիս սպառնալիքը.
- 7) գաղտնիության ռեժիմի խախտումը:

*Աշխատանքային էթիկայի կանոնները գործում են  
«ՀԱՅԲԻԶՆԵՍԲԱՆԿ» ՓԲԸ «Աշխատանքային էթիկայի և կարգապահական  
կանոնների» կառավարչական ակտի հիման վրա*